

REGULAMENTO DE PRÁCTICAS ACADÉMICAS EXTERNAS NA EMPRESA DO GRAO EN COMERCIO DA ESCOLA UNIVERSITARIA DE ESTUDOS EMPRESARIAIS.

(Aprobado na Comisión Permanente do día 28 de Xuño de 2016)

- 1) As prácticas obrigatorias previstas non plan de estudos do Grao en Comercio realizaranse tendo en conta a normativa xeral aplicable á realización de prácticas:
 - 1.1. R.D 1707/2011 de Regulamento de Prácticas Externas dos Estudantado Universitario
 - 1.2. Normativa de Prácticas Externas da UVIGO (Consello de Goberno 24/05/2012)
 - 1.3. O presente Regulamento.
- 2) As prácticas obrigatorias previstas no plan de estudos do Grao en Comercio realizaranse unicamente en empresas ou institucións que teñan Convenio coa Universidade de Vigo para tal fin, e a súa xestión recae na persoa que ocupe a **Subdirección de Relacións Externas e Alumnado**, que será o/a coordinador/a da materia.
- 3) O contido da práctica terá unha duración máxima de 180 horas, e encamiñado á aplicación dos coñecementos teórico-prácticos adquiridos durante o período de docencia.
- 4) As prácticas son tuteladas polo que o estudantado poderá consultar co/coa titor/a da empresa ou institución, co/coa titor/a da Universidade calquera dúbida ou problema.
- 5) Os requisitos para poder acceder a realización de prácticas son:
 - a) Estar matriculado na materia de prácticas académicas externas
 - b) Ter superado 150 créditos
- 6) Con carácter xeral as prácticas poderán solicitarse en dous prazos, a principios do primeiro cuadrimestre ou a principios do segundo cuadrimestre. Comunicarase por parte d@ titor/a académico@ as datas concretas para a solicitude en cada prazo.
- 7) O/A coordinador/a resolverá a adxudicación de prácticas do alumnado, considerando os requisitos específicos establecidos no seu caso polas empresas e as preferencias do alumnado, para os cales utilizarse a orde de prioridade dos criterios; expediente do alumno/a, e número de materias aprobadas.
- 8) O estudantado non terá en ningún caso relación ou vinculación laboral coa empresa. Mentres dure a práctica non se poderá formalizar ningunha modalidade de contrato de traballo entre a empresa e o estudantado.

- 9) O estudiantado poderá solicitar o recoñecemento de créditos da súa actividade laboral ou profesional polas prácticas obrigatorias. Cada solicitude será estudada individualmente pol@ coordinador/a da materia que valorará a adecuación da actividade realizada e a súa duración. Requírese en calquera caso unha experiencia profesional superior a seis meses, e a actividade debe estar claramente relacionada coa docencia impartida no Grao.
- 10) O estudiantado que realice prácticas académicas externas **extracurriculares** en empresas poderá solicitar o recoñecemento de créditos das mesmas sempre que cumpran os requisitos de duración e contidos establecidos no presente regulamento.
- 11) Cada alumn@ será avaliado pola empresa nos aspectos de cumprimento (asistencia, puntualidade, etc.), actitude, e rendemento da aprendizaxe.
- 12) Finalizada a práctica, o alumno deberá presentar unha memoria das actividades realizadas para a súa avaliación.
- 13) De conformidade co disposto na Lei Orgánica 15/1999 de protección de datos, o estudiantado en prácticas que por razón de actividades formativas teña acceso a datos de carácter persoal ou confidencial non revelará a persoa allea á empresa ou entidade a información da que tivese coñecemento, nin poderá utilizala ou dispoñer dela con finalidade distinta á esixida polas accións formativas.
- 14) Para o caso das prácticas en empresas internacionais (ERASMUS+) a Oficina de Relacións Internacionais (ORI) establece que a normativa para a realización de prácticas curriculares externas no estranxeiro é a mesma que para as prácticas en España, con todo, é necesario tramitar un convenio adaptado ás peculiaridades deste tipo de prácticas xestionado pola ORI.



Subdirección de Relacións Externas e Alumnado